

www.BibleForChildren.org

SAN MATEO 8



Nga kuangajngi kis'e jngu kjuabixan naxinanda Caná, naxinanda xi tijña ngajinre nangi Galilea, 'ba kio kiji nare Jesús. 'Ba nde Jesús ko xutare kiji kjuabixon, ngat'a kjinikint'e ngayeje.



'Ba kionga je je binu, 'batsa'en kitsure nare Jesús nga jako: —Je bi nde tjinnire binu. 'Ba 'batsa'en nare Jesús kitsure nchja xi inyabatesin kio: —Tik'etjusun ngayéje mé= xi kuetsunu —kitsure.



'Ba Jesús kitsure nchja xi inyabatesin kio:
—Titsio nanda tjiu. 'Ba nchjabiu 'ñu kitsitse
tjiu, 'ba 'batsa'en Jesús kitsu: —Chuba
chjubio 'ba tanginko_ru xuta xi kjinentsjare
s'iu. 'Ba 'ba kitsa'en nchjabiu.



'Ba 'batsa'en xuta xi kjinentsjare s'iu kiskut'a nanda xi je kuán binu, tunga bi be ña jendibanire. Tu kui sani nchja xi inyabatesin kio xi be, ngat'a kui= xi ts'axje nando. Kui kjua xuta xi kjinentsjare s'iu kinchjanire xi xi'iun.



'Ba kitsure: —Ngatsi'i xuta tjun binu xi nda tsja, 'ba kionga je 'ñu ka'bi xuta, tu kui sani xi bi 'ñu nda tsja. Tunga ji, tojo tijñatjo=ri ka'nda nganda'e 'ba teba'e=ni binu xi 'ñu nda.




Kui kjuakunbiu xi tjun kitsa'en Jesús naxinanda Caná,
naxinanda xi tijña ngajinre nangi
Galilea. 'Batsa'en yakutsejen
kjuajere, 'ba kuakjainre
xutare ngat'are kui.



'Ba kionga Jesús ja'as'en ndaba
Pedro, tsabe nga nachi'yare
Pedro tikjijñasun nachan nga
kunre chi'in nt'ai.



'Ba 'batsa'en kitsiko ntsja chjunbiu, 'ba kitjuxinre chi'inre,
'ba tsisetjen 'ba 'eyare xichine xuta xi echukun.




'Ba kionga je tjima'ña, kionga je kintjai tsu'biu,
echuchanire Jesús ngatsi'i xuta xi sefesun ko xi
tjindujinre isennixtjin
xi bi nda. 'Ba nkjin xuta
xi tjindu Capernaum
ja'e 'ba kuañajanxtiu
xuntja ni'yo.



'Ba Jesús ne nkjin xuta kitsinda xi kja'e kjuanga chi'in kunre, 'ba ne nkjin isennixtjin xi bi nda ts'axjejin. 'Ba ngat'a isennixtjinbiu bexkun 'yá=ñu kui, kui= kjuañu Jesús bi kitsja'ndenire nga kinchja.



'Ba ngatsi'i xuta mejénre siko Jesús, ngat'a kjua'ñu xi
'betju ngajinre kui tsinda ngatsi'i.



'Ba kio, ja'e ñujun xuta xi yank'angi jngu xuta xi bi ma fi.



Tunga bi kuán echukat'are Jesús,
ngat'a ne nkjin xuta tjin. Kui kjuañu
ngatsja ni'ya ña tijña Jesús
kiskje'ikjani, 'ba kio ts'ajenni
xuta xi tji'mio
nga kjiya kuxta.



'Ba kionga Jesús tsabe kjuamakjain xi tjinre nchjabiu,
kio kitsure xuta xi tji'mio:

—Ji ki'ndina, je
kuachat'ari jeri.


—Ji xinra, tisetjen,
chjube kuxtari 'ba
t'in ni'yari.



'Ba 'batsa'en Jesús ja'as'en barku, 'ba ko xutare
ngayeje. 'Ba kionga tjenjin
ndachikun ta'a jendiba jngu
ntjo'ñu, ka'nda tsindiure
nando niki ya'mo barku.
Tunga Jesús kijijñafe.



'Ba Jesús kitsingojore: —¿Ánñu tekunñu? ¡Á tsa'en
chuba makjainninu! 'Ba 'batsa'en Jesús tsisetjen 'ba
jatiko ntjo ko ndachikun, 'ba kis'exiu. 'Ba nchjabiu
kuakunre 'ba kitsure xinkjin: —¿'Yá= tsé
xutabi nga ka'nda ntjo
'ba ko ndachikun
tsik'etjusunnire?



'Ngat'a Na'enchana 'ñu= kitsimején xuta
tse'e ngasun'ndio ka'nda kitsja Ki'ndi
jngututure, tuxi ngatsi'i xi kuakjainre
ngat'are kui bi chajani, tusa s'ere
kjuabenichun xi bi fet'a.



ROMANOS 3:23

Ngatsi'i xuta tsajngi je 'ba kjin tjindu ngat'are kjuajere Na'enchana.

ROMANOS 6:23

Ngat'a chji xi tsja jio, kjuabeya. Tunga Na'enchana tsja kjuatjo nga k'uendukunntsjai xuta nga tujngu ko Na'enna Jesucristo.

HEBREOS 9:27

'Ba jotjin nga ngatsi'i xuta tjinnere nga jngu ndiya kueya sa, 'ba jaskan kju'a'e nixtjin nga kuanre kju'a,



EFESIOS 2:8,9

Tu ngat'are kjuandare Na'enchana nga kjinik'anginu, ngat'a kuakjainnu ngat'a tse'e Cristo. Bi jun xi kjinik'angu yojonu, Na'enchana xi kitsa'en kjuandabiu. Bi ngat'are nga nda kjiña'an nga kjinik'angina, tuxi tu'yá kuan nk'a k'uaxjeni yojore.

ROMANOS 10:9,10

Ngat'a tsa ko ndsu'bai sikixiye nga Jesús= xi Na'enna, 'ba tsa ko ngayéje inimari kuakjainri nga Na'enchana kitsikja'aya nganire ngajinre mik'en, k'uangi=ni. Ngat'a ko inimare xuta makjainnire 'ba makixi. 'Ba ko ts'a tsikixiya ngat'are Jesucristo 'ba 'bangi.



SAN JUAN 3:16,17

'Ngat'a Na'enchana 'ñu= kitsimején xuta tse'e ngasun'ndio ka'nda kitsja Ki'ndi jngututure, tuxi ngatsi'i xi kuakjainre ngat'are kui bi chajani, tusa s'ere kjuabenichun xi bi fet'a. Ngat'a Na'enchana bi kitsikasen Ki'ndire ngasun'ndio tuxi kuanejeni xuta. Tusa kitsikasen tuxi k'uangini ngat'are kui.

1 JUAN 5:11-13

Kui enbi xi kitsuyakixi Na'enchana, nga kitsjana kjuabenichun xi bi fet'a. 'Ba kisakuna kjuabenichunbi ña xi tu jngu makua Ki'ndire. 'Ba xi tijñajinre Ki'ndire Na'enchana, kui xi tjinre kjuabenichunbi. Tunga xi bi tijñajinre Ki'ndire Na'enchana, kui xi tsajainre kjuabenichunbi. Kitsi'indu_nuu kibi jun xi makjainnu ngat'are Ki'ndire Na'enchana, tuxi xiañu nga tjinnu kjuabenichun xi bi fet'a.



SAN MATEO 8-9; SAN MARCOS 1-2, 4;
SAN LUCAS 4, 8; SAN JUAN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter, Sarah S.

Mazateco, Ayautla NT (vmy) ©2009, Wycliffe Bible
Translators, Inc. All rights reserved.

<https://live.bible.is/bible/VMYWBT/MAT/1>

©2025 Bible for Children, Inc.

www.M1914.org

www.bibleforchildren.org

